

金匱要略編注

序

昔神農嘗百草以療民疾
軒轅復與岐伯往復辨難
著書垂後誠欲舉百千萬
世之沉疴而起之也乃後

世瞽瞍於醫者師承無自
於天地陰陽之奧茫如扣
槃捫燭而鹵莽滅裂草菅
人命遙遙今古其夷燐於
若輩之手者豈直長平之

坑黃河之投而已哉夫聖
人嘗百草以生人庸人用
百草以殺人竊嘗扼腕歎
息慨焉深思以爲必有以
起醫者之沉疴庶幾百千

萬世之沉疴於是乎可瘳
而殘編雖在軒岐已往爲
之奈何一日施子學圃以
其師沈子目南金匱要畧
傷寒之論註似余余閱之

瞿然起曰此仲景之滴派
靈素之功臣也所以滌肺
腑而起沉疴者其在斯乎
蓋不明乎天地陰陽之奧
則不能調人身之天地陰

陽而使之平軒岐心通天
地者也故能用理以調氣
仲景心証軒岐者也故能
治氣以明理醫學淵源無
殊道統則卽以仲景爲醫

家孔孟以仲景之書爲醫
家四子之書也夫何阿然
而仲景去黃農二千五百
餘年能闡軒岐之秘而補
其未備東漢至今又閱千

七百餘年卒無人焉發仲
景之覆而得其傳者天生
目南於仲景之後猶生程
朱於孔孟之後遞有所承
而後大有所發爲世道民

生計至深遠也是編出而
仲景之微言奧旨如日月
經天如江河行地俾望聞
問切家皆知由流溯源卽
表見裏則自今以至百千

萬世瞽瞍於是道者皆若
起白骨而肉之而顛倒於
二豎呻吟於六疾者庶有
豸乎長沙之目南誠孔孟
之程朱也卽唐宋以來孫

思邈葛稚川朱奉議王朝
奉成無已諸人亦以鄭註
賈疏例之可耳若學圃耑
心味道相與發明功實不
在李燔黃幹下余因斯而

爲之序

肯

康熙三十一年歲次壬申

正月上元後五日玉峯

年家眷弟徐乾學健菴

父撰

序

古人云不為良相願為良醫
余謂醫之良猶不僅與良相
等何也相主生人殺人醫則
主生人不主殺人相能佐
天子理陰陽平邦國醫直代

天地調陰陽消疵厲能有功
於天地而讓善于天子者良
相也能有功於民物而告功
於天地者良醫也故曰醫良
於相雖然余又疑之夫賢相
治天下自舉夔伊呂以降一

代有一代之良相上醫醫國
而岐伯越人以降不間一代
有一代之良醫是豈湯液之
用倍難于阿衡之任歟又豈
造物之生良醫倍艱于良相
故曠世而始一覩與此其故

由於世無善讀書之人亦由
於世無讀之而可用用之而
必效之書焉自東漢張仲景
良醫也其書教人為良醫者
也沈子目南取教人之書抉
摘之闡明之以冀天下後世

之共為仲景者也考仲景祖
神農法伊呂體箕子作為傷
寒論金匱要略其初實一書
也至宋世分而為二似治傷
寒者一書治雜病者又一書
不知能明傷寒論者乃可言

醫能明金匱要略者乃可言
傷寒論唐宋以來若孫葛朱
王以醫名世者無不用其法
而謂金匱王誼非讀之而可
用用之而必效之書乎哉然
文詞互與非精于經絡不能

輒曉今日南詳為註釋又得
其徒施子學圃更端詰難不
獨仲景易會之詞條分縷析
即仲景未發之秘亦巨擘細
咀我得古人而快意古人亦
得我而快意此之謂歟學者

束髮受書稍有所積即思握
管立言然言之而未必行卽
行之而未必悉副所言若目
南以其躬親體驗者發明古
人天下後世卽可以目南所
發明者推之爲明效大驗良

相為國家樹人而思皇接踵
良醫為萬世垂教而人無天
札謂目南為仲景之肖子而
即而大之功臣也豈有慙焉
傳云深夜有求於幽室之中
非燭何見願以是編為夜室

之燭俾人不盲于目以不盲
於心天下後世知金匱之不
可不讀即可以知金匱之註
之不可不讀矣余故序其作
述之梗槩以望天下後世之
善讀書者

時

康熙三十一年歲次壬申仲
冬穀旦吳門年家眷弟
孟亮揆端士氏識

序

粵自二儀肇判六氣旋流
天地未圓於氣化之中而
人生之沴癘斯作於是篤
生聖賢裁成輔相以救其
夭札由炎帝軒岐迄伊尹

以及仲景諸賢統緒相傳
各有補救而仲景一書尤
為從後開來之祖讀其書
考天地之陰陽變化生剋
運氣之升降邪正盛衰經
絡之通塞從胎性情之和

平年庚立為補漚汙下
權息與天地合德日月合
明四時合序誠萬世皆方
之龜鑑也惟其音與詞簡
後世讀之必不探源而入
暗室視因太羹玄酒而

之顧朱李而得探賾窮理
之士每曠代而一覩遂至
仲景之學反晦於天下良
可浩歎噫嘻何年得目南
沈子神悟而注釋之也余
與沈子交二十餘年見其

診視治證一七入口立却罷
癰吉凶預定如鼓應桴不
爽毫髮乃扣室讀以秘典
而能若是沈子曰何秘僅
靈素墮仲景書耳余曰
祿苑先生學粹而後精

讀是書而神明交通鳥鵲
如澍雨之生物如庖丁之解
牛而周旋中節其若是
一日以畧微法稿示余
曰用之於劑者有限用之
於法則無窮每其為枕

中秘毋寧剗剗而公之天下俾世之業金昆者謗之盡即可上參仲素之心法救天札於斯民不亦快乎沈子曰余思世之謂我驚名而自衡也余曰唯、否

吾先生不聞乎懷甯建邦
不可謂仁且視天下溺而
莫之援忍孰甚焉故播其
金匱傷寒溫熱病憲損內
傷婦人胎產腎微之家要
書東之梓以金匱玉函之

不為糟粕也其在斯乎
立新乎故述梗槩而為之
序

年家眷弟負殿端敏
又撰

醫徵吳序

國朝以來。刻醫書者甚多。吾亦盡得而覩。其意在藝籍書鳴。書行而藝因之以售。故其大半纂集前人。附會成編。足以眩目淺學。識者見之。爲梨棗攢眉。如吾目南沈先生。是刻則不然也。先生少攻舉子業。旋棄去。潛心禪宗。得大圓鏡智。旁通及醫典。少失偶。不復娶。客遊燕都。回次邗江。因緣締合。遂止焉。邗之

抱疴求拯者。戶外日盈踵。服則與諸及門。考
論醫宗。凡二十餘年。歲丁卯。吾遊邗江。一見
遂訂爲性命交。後吾還新安八年。而先生書
梓成。問序於吾。曰。先生殆如來釋迦。欲吾爲
阿難迦葉。從旁宣導者乎。夫醫之爲道。不明
由來。儒者沉潛章句。博而罔約。能入乎其中。
不能出乎其外。居常談論。則路路旁通。臨病
決診。則此是彼是。故其處方投劑。每多方枘。

圓鑒售者初知藥味。奈彼福緣淺厚。加之世
法圓通。遇合皆恃情投。設劑間亦取驗。病者
在在歸功。伊亦自謂得道。軒岐之旨。泯焉昧
焉。嗚呼。醫燈之燄。不續久矣。百年之間。數千
里之內。亦有聞人。聞者非吾所欲聞。彼不聞
而吾切欲得聞者。又何從而得。遵焉噫。豈世
俗之當然。而陰陽之貴混歟。此先生醫徵之
梓。不容已也。吾昔有志乎此。今爲閣筆矣。惟

願世之學者由斯悟入得仲景之正眼至不知有目南並且不知有仲景不以一病之不治而致疑不以衆病之能治而快意明乎天下之正理卽天下之定法天下之定法卽千百世之定法則庶乎其可矣

古歛同學弟吳人駒靈穉氏拜譔

自序

夫醫之爲道軒岐已前無文可考惟仰觀天之
六氣俯察地之五運正則爲發生邪則爲病生
故以五運六氣爲民生疾病之本問答臟腑經
絡諸病以成靈素之書張仲景繼闡風傷衛寒
傷營爲傷寒論而括燥濕於寒傷營春夏溫熱
談於風傷衛乃以寒熱陰陽生成之理難容少
間詎識後人心光無慧不能鑒察聖賢底蘊惟
見彰著於方冊者卽唱論效方從而和之隱而

未發者則置之不論矣余嘗以靈素全匱傷寒
叅讀而稽之六氣祇有傷寒傷濕傷暑而溫熱
燥病永隱無傳嗚呼世之臨證者以春夏溫熱
病皆作傷寒治之也間有論及溫熱者皆言冬
傷於寒春必病溫之一端非關於六氣時令感
冒之溫熱病未嘗不掩卷而歎三復興思是皆
未識長沙風傷衛而括溫熱之旨矣故余謹遵
少陰少陽之經旨而撰方論二卷卽仲景所謂
大邪中表之證其小邪中裡諸病已經載於金

匱惟七情內傷未經悉具所以亦述二卷統附
於末溪與後之讀者以外感內傷合參其理卽
得全體大用故僭證爲醫學之綱統其書名曰
醫徵云爾

肯

康熙癸酉中秋後五日樵李沈明宗秋湄氏重
題於廣陵客舍

金匱傷寒合刺凡例

一王叔和編集傷寒雜證原是一書統名
金匱玉函經誠仲景之功臣德莫大焉
惜以已見插入致使先聖之意反晦蓋
金匱首章原該傷寒雜病通部之序例
而第一卷乃通部察病治法之綱領故
立望聞問切表裏陰陽寒熱虛實標本
汗吐下和溫之法悉已闡明不遺毫末

而叔和復添蛇足更作序例頻舉汗吐
下諸條余今一概刪去惟以仲景原論
合梓以俟後之君子便覽此刻雖談六
氣發明惟溫熱二證并內傷虛損而無
全論湯法余故撰述四卷附末問世
一靈素難經傷寒金匱廼醫門樞棟世爲
正學而群賢充棟之書皆無能出其右
者人之讀者但可取其所長畧其所短

不可拘以爲法也近以陶氏六書明醫
指掌各承家技豈其深明仲景者耶
一是書乃補靈素不足故余每于証證之
後引經文會合一論以証軒岐仲景本
一源而出俾後之學者一覽曉暢幸勿
以余爲浮謬支離也

一內經以風暑火屬陽同類寒濕燥屬陰
同類故是書惟以風寒二邪立說欲人

觸類旁通若能深明表裏陰陽寒熱虛實傳變標本諸法乃爲善耳不然徒執是書而不究其理拘成方以醫病其于刺舟求劍何異易曰化而裁之謂之變是在善學者默會之而已矣

諸先生校正姓氏

授業師石

楷

號

臨初鑒定

世兄

石廷煜

號

網庵

石廷煥

號

允庵

楊敏芳

號

蘭佩

吳人駒

號

靈穉

楊衡選

號

聖藻

王拱辰

號

星維

閔奕位

號

元臣

貢賡載

號

虞肱

徐俊號越千

閔奕佑號右誠

貢履端號秉乾

殷銘號子文

沈宋號洪皓全校正

門人施樊號學圃

程元濟號燮庵

劉國鼎號象九全叅訂

李蕙號山英

張仲景金匱要畧目錄

業師石 楷臨初先生鑒定

構李沈明宗目南編註

門人 施 樊學圃 全參

李 蕙山英

卷一

敘例

時令 論二條

問陰陽病十八

望色

聞聲

問治未病

五臟病喜惡

五臟攻法
方一首

誤治救逆

切脉

厥
論三條

喘息
論二條

卷二

瘰

方三論八條

濕

方一論六條

風濕

方五論五條

喝

方二論三條

霍亂

方一論五條

卷三

百合

方七論九條

狐惑

方二論二條

陽毒

方一

陰毒

卷四

瘡
論五條方三
首附方三首

卷五

中風
論三條方二
首附方三首

歷節
論七條
方二首

脚氣
論一首
附方一首

卷六

血痺
論二條
方一首

虛勞
論十六條方
七首附方二首

卷七

肺痿

首論二條方一

肺癰

首論三條方二

欬嗽上氣爲肺脹

方七首論八條

卷八

奔豚

方三首論五條

卷九

胸痺

方五首論五條

心痛

首論二條方二

短氣

方二首論二條

卷十

腹滿

方一論九條

腹痛

方四論四條

寒疝

首附論七條方五

宿食

方一論五條

卷十一

五臟風寒

方二論十九條

積聚

論二條

卷十二

痰飲

十一論二十一條方

欬嗽

方五論十一條

卷十三

消渴

方一論八條

小便不利淋

方四論五條

卷十四

水氣

方七論二十六條

黃汗

方二論二條

卷十五

黃痺

方六論二十四條

卷十六

驚悸

方一論二條

吐血

方二首 論九條

下血

方一首 論二條

胸滿瘀血

論二條

卷十七

嘔

方四首 論十一條

吐胃反

方四首 論九條

臧

方三首 論四條

下利

二首 附方二十四條 方

卷十八

瘡癰腸癰

方三條

金瘡

論二條
方一首

浸淫瘡

方一首

卷十九

跌蹶手指臂腫轉筋狐疝蛇蟲

論其七條
方三首

卷二十

婦人雜病

論二十三條
方十二首
附小兒疳蟲蝕齒方一首

卷二十一

妊娠

論十一條
方八首

卷二十二

產後

論十一條
方五首
附方二首

卷二十三

雜療

方二十
二首

卷二十四

禽獸魚蟲菓食菜穀禁忌諸方論一卷終

張仲景金匱要略卷一

構李沈明宗自南甫編註

重編大意

金匱一書文辭簡約義理深玄誠補軒岐之不足爲後學之津梁也但從來著書立言必先綱領次及條目而是編乃以治病問答冠於篇首敘例大意反次後章且諸方論頭緒參差不貫使觀者如入霧徑失其所之棄而不讀者有之矣嗟乎仲景去今千有餘禩簡多遺亾而原文夾於傷寒論中後人未窺其微以致分出編次失序究非仲景之

意編仲景書者之誤也。故余不揣鄙陋，僭以次章冠首而爲序例。次以天時地理、脈證湯法、魚尾相貫於後，俾條理不紊，而使讀者易升堂與同登轍。起未識鑒者，以爲何如。

夫人秉五常，因風氣而生長。風氣雖能生萬物，亦能害萬物。如水能浮舟，亦能覆舟。若五臟元真通暢，人卽安和；客氣邪風中人，多死。千般疾難，不越三條：一者經絡受邪，入臟腑爲內所因也；二者四肢九竅血脈相傳，壅塞不通，爲外皮膚所中也；三者房室金刃、虫獸所傷，以此詳之，病由多盡。若人能養慎，不令邪

風干忤經絡適中經絡未流傳臟腑卽醫治之四肢
纔覺重滯卽導引吐納鍼灸膏摩勿令九竅閉塞更
能無王法禽獸災傷房室勿令竭乏服食節其冷熱
苦酸辛甘不遺形體有衰病則無由入其腠理腠者
是三焦通會元真之處爲血氣所注理者是皮膚臟
腑之文理也

此條是書中大旨通部之綱領前人誤編次章茲
冠於首以正頭緒不致紛紜也蓋天元紀大論云
五運陰陽者天地之道也萬物之綱紀變化之使
母生殺之本始在天爲玄在人爲道在地爲化化

生五味道生智、立生神、神在天爲風、寒暑濕燥火
之五氣、在地爲木火土金水之五行、在人爲心肝
脾肺腎之五臟、又謂在天爲氣、在地成形、形氣相
感、化生身形萬物、故仲景曰、夫人秉五常、卽秉天
地五運陰陽之常氣、氣卽風也、然風迺東方甲乙
生發之氣、爲四時六氣之首、而天氣化生長養萬
物、必隨八風動盪之機、而發發則寒暑燥濕火相
隨、應時而化、人感此氣而成、謂因風氣而生、長然
風有邪正、正風者卽溫和之風、生育萬物也、邪風
者乃飄飄之風、肅殺萬物也、故以風氣能主萬

物亦能害萬物。如水能浮舟。亦能覆舟之譬。五臟元真通暢。人卽安和者。謂人之內氣不虛。則不受邪。而爲病也。若天氣寒時而反熱。熱時而反寒。爲客氣邪風。中人多死。乃謂衝方來者。傷人之風也。凡人身之病。不出表裏陰陽。內因外因。不內外之。三因。故曰千般疾難不越三條。一者經絡受邪。入臟腑。爲內所因。卽大邪中表。感冒風寒。傳經入裏。乃經絡受邪之病也。二者邪從四肢九竅入於血脈。肌肉筋骨壅塞不通。卽拘攣癱瘓風痺之類。爲外皮膚所中。是軀殼并榮俞合募原受邪爲病也。

三者不從六淫而因房室虫獸所傷爲不內外因。卽自作勞傷之疾也。以此詳之。病由多盡。若人能養慎。不令邪風干忤經絡。謂無內損。則身無病。或中經絡。未流傳臟腑。卽醫治之。可免七傳之患。謂內因必須早治也。四肢纔覺重滯。便行導引。針灸鍼灸膏摩諸法。勿令九竅閉塞。不致筋攣軟短痛痺癱瘓諸疾。謂外因必須早治也。更無王法禽獸災傷。房室勿令竭乏。服食節其冷熱。苦酸辛甘。謂不因風寒致病。而過節勞傷。須當自慎。故曰。不令形體有衰。靈樞曰。虛邪不能獨傷人。必因身形之。

虛而後客之故得三焦之氣統領氣血津液充溢
臟腑腠理則邪不能入所謂病則無由入其腠理
然三焦之氣充溢軀殼臟腑肌肉皮膚相合罅隙
之路爲腠故爲三焦通會元真之處爲血氣所注
而精津血液溉灌滋滲臟腑筋骨肌肉皮膚出入
之竅爲理故爲皮膚臟腑之文理總皆賴三焦之
氣充溢臟腑津液實之則腠理密而不受邪爲病
也

問曰有未至而至有至而不至有至而不去有至而
太過何謂也師曰冬至之後甲子夜半少陽起少陽

之時陽始生天得溫和以未得甲子天因溫和此爲
未至而至也以得甲子而天未溫和爲至而不至也
以得甲子而天大寒不解此爲至而不去也以得甲
子而天溫如盛夏五六月時此爲至而太過也
此以司天運氣辨太過不及以合三陰三陽爲察
證治病之權衡也經云夏至四十五日陰氣微上
陽氣微下冬至四十五日陽氣微上陰氣微下然
陰陽升降進退皆從二至爲始也故仲景以冬至
之後甲子夜半起少陽其義正合內經冬至四十
五日三陽開泰之意以正來歲一年時令太過不

及則二甲子起陽明三甲子起太陽四甲子起太陰五甲子起少陰六甲子起厥陰而終一歲蓋冬至之後甲子乃一陽齊於地面將發來春溫令若未得甲子而天得溫和時令未至其氣先至爲未至而至經謂來氣有餘若已得甲子天未溫和而時令已至其氣未至爲至而不至經謂來氣不及已得甲子而天大寒不解乃新令已至舊令不退爲至而不去亦舊氣有餘新氣不及若已得甲子卽當天溫而反如盛夏五六月時爲至而太過亦爲來氣有餘也然時正則人民安和或遇不及則

乘年之虛遇月之空太過則失時之和客氣邪風
中人多死故當占時令之蚤晏則知六氣之虛實
然後治病無失後人妄議仲景三百九十七法無
一言道及運氣非畧之也蓋有所不取也嗟嗟既
無一言及之此上下二條所談何事要知不讀金
匱之陋矣

師曰寸口脉動者因其王時而動假令肝王色青四
時各隨其色脉肝色青而反色白非其時色脉皆當
病

前言天時過與不及爲察證治病之權衡此以人

之色脉合於天時而相反者爲病也。夫寸口者，脈之機行，故謂王時而動，所以人氣應之而顯於脉。乃四時生王之氣隨時而變，故曰肝王色青，四時各隨其色，脉如春弦、夏洪、秋毛、冬石是也。然春王脉當微弦，是合春平爲無病。或色反見白，脉反見濇，乃賊尅之徵，非其時色，脉皆當病矣。觀此二條，察證治病，若不合天地人三才一貫之理，則爲謬矣。不經而談醫也。

問曰：陽病十八，何謂也？師曰：頭痛、項、腰、脊、臂、脚掣痛。

陰病十八何謂也師曰欬上氣喘噦咽腸鳴脹滿心
痛拘急五臟病各有十八合爲九十病人又有六微
微有十八病合爲一百八病五勞七傷六極婦人三
十六病不在其中清邪居上濁邪居下大邪中表小
邪中裏蘖飢之邪從口入者宿食也五邪中人各有
法度風中於前寒中於暮濕傷於下霧傷於上風令
脉浮寒令脉急霧傷皮膚濕流關節食傷脾胃極寒
傷經極熱傷絡

此以頭痛項腰脊臂脚掣痛手足三陰三陽經絡
軀殼受邪總爲陽病欬上氣喘噦咽腸鳴脹滿心

痛拘急、臟腑受邪、總爲陰病、乃提察證表裏之大綱也、蓋陰陽二病、俱有十八者、乃風寒暑濕燥火、大邪中表、軀殼經絡受邪、皆致頭痛等疾、故爲陽病、然邪中一經、衛分而爲一病、榮分受邪、亦爲一病、榮衛兩受其邪、亦爲一病、故一邪中於一經、變而爲三、六邪合之、則成十八、靈樞謂病在陽者、命曰風、病在陰者、命曰痺、陰陽俱病、命曰風痺、以此觀之、則陰陽十八之數明矣、然一臟病有十八、以五臟合之、則成九十也、六微者、小邪中裏邪、襲六腑、亦以榮衛推之一腑、十八、六腑合之、則爲一百。

八病。蓋頭痛、項、腰、脊、臂、脚、掣痛、欬、上氣、喘、噦、咽、癰、
鳴、脹、滿、心、痛、拘、急、臟、腑、經、絡、諸、病、皆、以、榮、分、衛、分、
榮、衛、兩、分、推、察、則、病、變、無、窮、總、不、越、陰、陽、榮、衛、六、
淫、所、致、也、如、千、金、謂、久、視、傷、血、久、臥、傷、氣、久、坐、傷、
肉、久、立、傷、骨、久、行、傷、筋、而、爲、五、勞、大、飽、傷、脾、大、怒、
氣、逆、傷、肝、強、力、舉、重、坐、臥、濕、地、傷、腎、形、寒、飲、冷、傷、
肺、憂、愁、思、慮、傷、心、風、雨、寒、暑、傷、形、大、怒、恐、懼、不、節、
傷、志、而、爲、七、傷、氣、極、血、極、筋、極、骨、極、肌、極、精、極、而、
爲、六、極、並、婦、人、三、十、六、病、皆、屬、內、傷、非、六、淫、邪、氣、
爲、病、故、不、在、其、中、蓋、邪、有、大、小、清、濁、不、同、第、風、暑、

火邪屬陽而人身上半爲陽以陽從陽所以感之而居上寒濕燥屬陰而人身下半爲陰以陰從陰故居於下然天之六氣爲陽感人肌表經絡是爲大邪中表故顯頭痛項腰脊臂脚掣痛軀殼經絡受病卽四時傷寒之類若微邪感入井榮俞合募原之間延入臟腑是爲小邪中裏內顯欬上氣喘噦咽腸鳴脹滿心痛拘急臟腑受病卽四時之雜病也榮飢者米麴之食從口而入乃爲宿食雖非風寒之比因其過食停滯而傷脾胃所以列入五邪之中然五邪中人各有法度但風邪屬陽前者

朝也、衛也、爲陽、以陽從陽、故風中於前、寒者屬陰、
暮者、晚也、榮也、爲陰、以陰從陰、是故寒中於暮、濕
邪重濁而下降、故傷於下、霧邪輕清而上騰、故傷
於上、風傷於衛、其性輕揚、故令脉浮、寒入於榮、其
性堅勁、故令脉急、肺主皮毛、其性輕涼、霧爲清邪、
故傷皮腠、濕爲陰邪、擅走空竅、則流關節、食入於
胃、健運在脾、過食氣壅、則傷脾胃、寒氣屬陰、經脉
亦陰、以陰從陰、極寒所以傷經、絡脉屬陽、熱亦屬
陽、以陽從陽、極熱故傷絡也、

問曰、病人有氣色見於面部、願聞其說、師曰、鼻頭色

青腹中痛、苦冷者死、鼻頭色微黑者、有水氣、色黃者、
胸上有寒、色白者、亡血也、設微赤、非時者死、其目正
圓者、瘕不治、又色青爲痛、色黑爲勞、色赤爲風、色黃
者、便難、色鮮明者、有留飲、

此邪入於內、色華於外、望而知之者也、經云、東方
青色入通於肝、凡言色者、肝主之也、故肝邪乘脾、
標顯於鼻、所以鼻頭色青而爲腹中痛、腎寒、隨木
侮土、陰盛陽虛、脾元欲絕、苦冷者死、若腎氣受邪、
熱壅胃關、水道不利、反溢脾胃、上應鼻頭、故色微
黑、爲有水氣也、夫脾受木邪、健運之機遲滯、津液

蓄蒸爲飲、上溢胸膈、氣應於鼻、故色黃爲胸上有
寒、寒卽飲也、蓋血隨氣轉、而氣不上升、營血亦不
榮於鼻、故色白爲亡血、經謂色白爲寒、乃指氣虛
不升、但言其本也、又謂血脫者、色白卽金匱所謂
亡血、乃以血隨氣轉而言其標、經論互明理、誠不
悖耳、然赤爲心色、而氣王於夏、若微赤見於非時、
乃木火妄動、刑於肺金、水源先絕、故主死也、若微
赤而病瘥者、因其真陰衰憊、不能上灌於目、糸絡
乾枯、目瞋不轉、故謂正圓者不治、乃指少陰之瘥
而言也、此上邪氣入內、乃有寒熱虛實之分、以下

五色、但言風熱而無寒、卽難經謂肝主色、入心爲赤、入脾爲黃之類、然風木本臟受邪、壅逆血氣不通、故青爲痛、而房勞以致水衰受風、以挾腎火上熏、故黑爲勞、風邪挾肝入心、而火浮於外、故赤爲風、肝風入脾、風濕相搏、腸胃津液乾枯、故色黃者、便難、然風熱抑遏脾精、不輸化爲痰飲、然飲乃水類、水主潤澤、故黃色而鮮明者、有畱飲也、
論曰、靈樞云、明堂骨高以起、平以直、五臟藏於中、央、六腑挾其兩側、首面上於闕庭、五官在於下極、乃言氣色見於鼻頭上下左右之靜、健也、素問謂

黃赤爲熱、白爲寒、青黑爲痛、是以陰陽分寒熱而言也。又曰、赤欲如白、裹朱不欲如赭、白欲如鵝羽、不欲如鹽、青欲如蒼璧之澤、不欲如藍、黃欲如羅、裹雄黃不欲如黃土、黑欲如重漆色、不欲如地蒼、乃取色之神氣、光明潤澤者生、枯澁晦滯者死。越人謂肝主色、入心爲赤、入肺爲白、入脾爲黃、入腎爲黑、自入爲青、乃以肝邪傳乘五臟而顯五色、若見五色吐下之五色、喜五色惡五色、皆屬肝邪致病之常、若非肝氣入於他臟、則他臟之色不現。故凡內傷外感、虛實寒熱之病而現五色者、必挾風。

木在其中矣。金匱以鼻頭觀五色，定五臟之徵者，因鼻屬脾土，而金木火水四臟無土不生，但臟氣皆根於土，故鼻頭色青，乃木水入於土，故腹中痛，苦冷者死。微黑者，木邪入腎，水熱上蒸，爲有水氣。木邪入脾，則色黃，胸上有寒。木邪入肺，則色白。亡血風邪入心，故微赤，非時死。又曰：色青爲痛，色黑爲勞，色赤爲風，色黃便難，鮮明有留飲，卽風熱所致之五色。仲景亦不離木邪臨土，標現鼻頭，以取氣色逆順有無而定吉凶。虛實寒熱，誠合靈素難經，當於此三家合參，則備而神矣。

再按難經謂肝主色，乃肝邪入於心，肝肺脾腎則現青黃赤黑白之色。是風木邪氣主病也。然見色而無病者，經謂經有常色，絡無常變之本色也。卽東方甲乙之氣入於東南西北中而爲生發之氣，若失其常則生機化滅矣。故四時無病皆有之耳。若有病而現色徵者，乃感邪風爲病也。或純一而無別色相兼，卽風木太過，土元虛敗，乃爲生氣將竭之徵。所以至危之證，必觀氣色生尅而定吉凶。然難經有肺主聲、心主臭、脾主味、腎主濕、肝主色，乃彼此互相而生，互相而殺，謂之顛倒五行，卽經

五五二十五陽之義若能明此靈素難經金匱望
聞問切之情方可稱軒岐門下客也

師曰語聲寂寂然喜驚呼者骨節間病語聲喑喑然
不徹者心膈間病語聲耿耿然細而長者頭中病
此以聲辨上中下三焦受病卽聞而知之者也語
聲寂寂然乃雖有語而其聲不揚音屬羽角邪居
下焦肝腎故聲不上徹而寂寂然蓋肝之在聲爲
呼其病主驚駭故喜驚呼腎主靜而主骨以肝腎
互言知骨節間病也語聲喑喑然不徹者乃渾濁
遲鈍而聲不速其音屬宮經謂聲如從室中言者

是也。邪鬱中焦，濕壅氣滯，胸間大氣不轉，聲濁不清。知心膈間病也。語聲啾啾然，細而長者，乃尖細長而明亮，音屬商徵。邪居上焦，軀殼而高，不礙臟腑。心肺胸膈咽喉之氣，故聲徹而速。知頭中病也。夫病痼疾，加以卒病，當先治其卒病，後乃治其痼疾也。

此有舊疾復感新邪，當分先後治也。痼者，邪氣堅固難拔。卒者，邪氣驟來而易去也。若病者宿有痼疾，而忽加卒病，務當先治卒病，不使邪氣相併，轉增舊疾。但久病乃非朝夕可除，須當緩圖，所以後

乃治其痼疾也。

問曰：上工治未病，何也？師曰：夫治未病者，見肝之病，知肝傳脾，當先實脾。四季脾王，不受邪，卽勿補之。中工不曉相傳，見肝之病，不解實脾，惟治肝也。夫肝之病，補用酸，助用焦苦，益用甘味之藥，調之。酸入肝，焦苦入心，甘入脾。脾能傷腎，腎氣微弱，則水不行；水不行，則心火氣盛，則傷肺；肺被傷，則金氣不行；金氣不行，則肝氣盛，則肝自愈。此治肝補脾之要妙也。肝虛則用此法，實則不在用之。經曰：虛虛實實，補不足，損有餘，是其義也。餘臟准此。

此問答五臟病當合時令虛實之治也。蓋望聞問切四診精明，則預知傳變吉凶，故爲上工。而治未病者，乃今病爲已病，邪乘所勝後起而爲未病，卽肝病傳脾，脾病傳腎，腎病傳心，心病傳肺，肺病傳肝之義。本篇提肝病爲已病，預防木盛乘脾之未病，故當先實脾。脾氣實而金亦王，木得平而不乘脾。土爲要，中工不曉相傳脾土之害，不解實脾，惟治其肝，以致木邪臨土，脾病陡起。經謂粗工尅克以爲可攻，故病未已，新病復起是也。在四季脾王之月，不受木乘，卽勿補之。其或誤補，是犯實實。

之戒矣。此言風木時令之實則當培土之陰以防木乘之。未病此下乃明木令之虛亦當培土之陽資生營衛而濟肝虛俾肝氣盛而火亦王金氣平而不乘於木亦爲治未病也。後人不明仲景立言是以肝木一臟虛實而明五臟之治概以肝實混統註釋故復明之。夫肝之病補用酸者因肝臟藏血而血虛受邪故用酸味屬陰從肝陰之性而補陰血爲君經謂補上下者從之是也。又用焦苦入心養正使心火不竊母氣爲助益用甘味之藥調者甘能入脾資生營衛充濟諸臟之虛而肝得其

濟○則○金○亦○平○而○不○伐○於○木○經○謂○佐○君○之○爲○臣○也○
肝○虛○故○用○酸○入○肝○焦○苦○入○心○甘○入○脾○而○謂○之○甘○入○
脾○者○謂○甘○熱○之○品○也○又○謂○脾○能○傷○腎○腎○氣○微○弱○則○
水○不○行○水○不○行○則○心○火○氣○盛○則○傷○肺○肺○被○傷○則○金○
氣○不○行○金○氣○不○行○則○肝○氣○盛○則○肝○自○愈○復○明○木○虛○
而○受○金○寒○之○暴○病○是○互○時○令○賊○邪○淫○尅○吉○凶○在○於○
瞬○息○之○間○所○以○伐○實○救○虛○乃○勝○復○相○制○之○理○實○非○
縱○火○刑○金○而○爲○治○病○之○常○若○常○法○以○扶○其○不○足○損○
其○有○餘○爲○肝○虛○補○脾○以○防○未○病○若○肝○盛○誤○補○是○助○
木○乘○脾○而○致○未○病○矣○此○明○肝○虛○金○邪○暴○傷○故○使○肝○

氣盛則肝自愈。重以前後互言。故曰治肝補脾之
要妙。肝虛則用此法。實則不在用之。又囑不可虛
虛實實之誤。當以補不足。損有餘。而爲治五臟虛
實之常。謂是其義也。然舉一隅而使三隅反。故曰
餘臟准此。

論曰。臟氣法時論曰。肝臟用辛補之。酸瀉之。本論
謂補用酸。以此觀之。古聖先賢補瀉不同。孰爲是
耶。蓋內經是言寒涼之邪。賊尅肝木。陰凝氣滯鬱
而不伸。而肝爲風木。其性溫而欲散。故用辛溫陽
藥散邪。俾邪去則正氣自復。故爲補。乃氣分逆治。

之法也。金匱乃言肝臟藏血，以陰血爲主，因陰虛而氣盛，化火氣散不斂，相招外風爲病，故以味酸屬陰，滋養陰血而收欲散之氣，則邪自退，乃病發於陽，以陰法救之，故曰用酸補之。仲景是明血分從治，誠補內經之未發也。然以內經反覆推之，則五臟氣血皆有逆從之治。茲復明之：夫肝藏血，爲陰中之陽，其性溫而氣欲散，若血虛者當以味酸從治而補之，血實者當以味辛氣涼逆治而散邪。氣虛者當以氣溫從治而補氣，氣實者當以氣涼逆治而散邪。心主血爲陽中之陽，其性熱而氣

欲軟而虛者當以苦溫從治而補之。血實者當以
辛甘逆治而散邪。陽虛者當以甘熱從治而補陽。
陽實者當以氣寒逆治而散邪。脾主濕爲陰中之
至陰其性濕而氣欲緩。血虛者當以味甘從治而
補陰。血實者當以味苦逆治而瀉邪。陽虛者當以
甘熱從治而補陽。陽實者當以苦寒逆治而瀉邪。
肺主氣爲陽中之陰其性燥而主氣氣欲收。血虛
者當以味酸從治而補陰。血實者當以味苦逆治
而散邪。氣虛者當以氣涼從治而補氣。氣實者當
以氣溫逆治而瀉邪。腎主水爲陰中之陰其性寒。

其氣堅陰虛者當以味醢氣寒從治而補陰陰實者當以味甘氣熱逆治而瀉邪陽虛者當以氣熱逆治而補陽陽實者當以氣寒從治而瀉邪此乃五臟寒熱溫涼濕正氣補瀉大綱之法若感六淫又當參邪氣寒熱而補瀉不可拘定正法矣今人但言內經氣分寒熱之從治不究金匱血分而有從治之法故復表出

師曰五臟病各有所得者愈五臟病各有所惡各隨其所不喜者爲病病者素不應食而反暴思之必發熱也

此以得惡氣味辨五臟虛實之病也。心肝脾肺腎五臟之體，廼屬寒熱溫涼濕之五氣。稟具緩散軟收堅之五用，苦酸辛甘鹹之五味，焦臊香腥腐之五臭，青黃赤白黑之五色。然萬物亦具體用氣味，但不似人身之備耳。蓋臟氣不足，則他臟之氣乘擾欲求外物之體用氣味而爲自救，所以五臟病各有所得者，愈如肝欲酸、腎欲鹹之類。由臟氣之虛也。若臟腑感受外邪，內鬱化熱，則惡外物之體用氣味。故五臟病各有所惡，卽心惡熱、肺惡寒之類。當隨其所惡之臟，則爲受邪之處，所謂不喜者。

爲病。乃由臟氣受邪之實也。若臟氣不足。邪氣擾損元氣。則欲求外物之體用氣味相救。故素不應食之物。而反暴思之。邪正兩氣相鬱化而爲火。故必發熱。發熱者。臟腑氣鬱而爲內熱也。蓋難經謂飲食勞倦傷脾。當喜味。仲景雖不言及。但氣味之病。必因飲食勞倦之由而起。當與難經參看。則備夫諸病在臟。欲攻之。當隨其所得而攻之。如渴者與猪苓湯。餘皆倣此。

此卽前條五臟蘊熱之攻法也。雜病攻法。與傷寒痞滿燥實堅。用陷胸承氣迥別。然傷寒乃無形之

邪與有形燥屎熱結於胃當從下奪此言心肝脾肺腎五臟感受六淫無形之大小諸邪中裏爲病是非一槩使邪腸胃而去下則徒傷脾胃病變不測是當隨其所得之臟表裏出入之處而驅故曰隨其所得而攻之如邪在心當瀉小腸在肺瀉大腸在脾奪其胃在腎瀉膀胱乃使表裏相通出入之門戶而去也惟有肝胆不通皮毛前後二陰前人謂胆無出入惟有和解之法或借胃腑之路而出又當審胃氣之虛實而行焉如渴與猪苓湯者是以腎之一臟而發明五臟因邪積於腎故用阿

膠以養肝腎之陰、使臟邪之機向表、澤瀉滑石、導腎間無形之邪、俾從膀胱而出、正所謂當隨其所得而攻之、若心病當用導赤之意、所謂餘皆倣此、蓋經謂攻裏不遠寒者、是邪在胃、脾故以芩、黃、鹹寒直攻腸胃、隨其便處而出、此仲景自出手眼、另用甘淡滲洩小便、或從吐下諸法、乃使五臟無形之邪各從其便處而出、誠補內經未備、開發後學之良規耳、

猪苓湯方

猪苓

去皮

澤瀉

茯苓

阿膠

滑石

各二兩

芍藥、五味，以水四升，先煮四味，取二升，去滓，內阿膠，烱消盡，溫服七合，日三服。

問曰：病有急當救裏救表者，何也？師曰：病醫下之，續得下利，清穀不止，身體疼痛者，急當救裏；後身體疼痛，清便自調者，急當救表也。

此病分表裏，治有先後也。問：急當救裏救表者，乃病在表而醫反下之，誅伐無過，致傷脾胃之氣，所以下利清穀不止。然雖身疼，表證未解，當救誤下之逆爲急，不可姑慮表邪，以致內陽下脫，必俟元陽恢復，清便自調之後，急當救表。然表當急救，何

也。蓋恐內陽初復未充，外邪陷入，又變結胸痞滿耳。

師曰：病人脉浮者在前，其病在表；浮者在後，其病在裏。腰痛背強不能行，必短氣而極也。

此以關脉前後分表裏而辨內傷外感也。前者關前寸口脉也，寸口屬陽主表，而浮者在前，邪在於表，即風中於前之外感也。後者關後尺脉也，尺脉屬陰主裏，而浮者在後，爲病在裏，即內傷精血之病也。兩尺主腎，其脉貫脊，陰虛陽盛，則見脉浮，精血虛而受邪，痺着不行，不能上貫於脊，腰痛背強。

不能行精虛不能攝氣歸源氣反上逆故短氣而急也

問曰厥陽獨行何謂也師曰此爲有陽無陰故稱厥陽

此卽內經陰氣衰於下則爲熱厥是也陰衰於下陽無所附孤陽挾邪獨厥於上爲厥陽獨行蓋有陽無陰者乃非全無陰氣但陰虛不能維持陽氣之謂耳

問曰寸脉沈大而滑沈則爲實滑則爲氣實氣相搏血氣入臟卽死入腑卽愈此爲卒厥何謂也師曰唇

口青身冷爲入臟卽死如身和汗自出爲入腑卽愈
此卒厥脉與證也寸脉主上爲陽沈爲裏實大爲
陽盛滑爲陰中陽氣有餘而上逆逆則陰陽之氣
相並於上爲實氣相搏血氣入臟者卽邪氣入臟
也邪旣入臟堵塞經隧神明無主卒倒無知謂之
卒厥若唇口青身冷卽是邪氣入臟堵塞血氣神
機不能出入臟氣垂絕所以主死經謂血氣並走
於上則爲大厥暴死是也若身和汗出乃邪氣入
腑閉塞腑氣不得出入一時卒倒非臟絕之比頃
時陽機外達邪氣隨之外洩故知入腑卽愈

問曰脉脫入臟卽死入腑卽愈何謂也師曰非爲一
病百病皆然譬如浸淫瘡從口起流向四肢者可治
從四肢流來入口者不可治病在外者可治入裏者
卽死

前云寸脉沈大而滑血氣入臟入腑而爲卒厥此
云卒厥有脉脫入臟卽死入腑卽愈之辨也脉脫
者非虛脫之脫乃邪氣堵塞正氣不行經隧脉道
不鼓而似脫也夫邪氣入臟閉塞經隧脉氣不行
營氣不通則唇口青身冷但邪進而不退臟氣敗
傷故主死矣入腑脉脫者邪氣壅於經絡脉氣不

行。臟。氣。內。守。而。不。傷。敗。故。身。和。暖。而。陰。陽。進。退。氣。機。轉。動。之。時。腑。氣。冲。和。送。邪。外。出。汗。出。卽。愈。譬。如。浸。淫。瘡。從。口。起。流。向。四。肢。者。邪。從。內。發。於。外。洩。而。不。進。故。可。治。若。從。四。肢。流。來。入。口。者。邪。往。內。入。進。而。不。洩。臟。氣。傷。敗。故。不。可。治。此。示。凡。病。在。表。爲。輕。而。易。治。入。裏。者。深。重。則。難。治。也。

論曰。經謂厥則陽氣並於上。陰氣並於下。陽並於陰。則火獨光。陰並於陽。則足寒而脹。又謂血之與氣。並走於上。則爲大厥。厥則暴死。氣反則生。不反則死。又謂內奪而厥。則爲瘖俳。此腎虛也。又陽氣

者大怒則形氣絕而血菀於上使人薄厥又厥逆
爲病足暴清胸若將裂腸若刀切煩而不能食脉
大小皆濇然厥證雖多要皆不出陰陽偏勝氣逆
則一也又謂陽氣衰於下則爲寒厥乃陽衰陰逆
手足厥冷也陰氣衰於下則爲熱厥乃陰虛火逆
手足大熱也二者因酒色內傷偏虛脾腎陰陽之
氣發病若見氣逆面紅卽便爲厥弗執必欲手足
厥冷身體強直方謂之厥此爲陰陽兩大法門耳
金匱謂厥陽獨行有陽無陰正此之熱厥也經又
謂令人腹滿或暴不知人是卒倒無知身形如尸

乃邪正之氣閉逆不通而厥卽扁鵲治虢太子之
尸厥俗謂之類中風金匱謂之卒厥唇口青身冷
爲入臟卽死身和汗出爲入腑卽愈經有巨陽之
厥腫首頭重足不能行發爲眴仆陽明之厥顛疾
欲走呼腹滿不得臥面赤而熱妄見而妄言少陽
之厥暴聾頰腫而熱脇痛肝不可以運太陰之厥
腹滿臍脹後不利不欲食食則嘔不得臥少陰之
厥口乾溺赤腹滿心痛厥陰之厥少腹腫痛腹脹
經沒不利好臥屈膝陰縮腫肝內熱此皆經絡臟
腑受邪氣逆而爲之厥非手足寒冷卒倒之比也

景詳於傳寒厥陰

一日五四五日厥者必發

熱前熱者後必厥厥深者熱亦深厥微者熱亦微
乃肝氣逆胃胃氣不伸之厥卽內經氣逆之實厥
若四逆吐衄乃虛寒之厥也故治厥證當以內經
仲景諸書合參則備後人不按經旨臨證模糊但
以痰食寒熱氣厥混言妄治不惟無益矇蔽後人
故續表出

師曰息搖肩者心中堅息引胸中上氣者欬息張口
短氣者肺痿吐沫

此言喘息有痰氣肺脹肺痿之別也心中者卽胸

中也。風寒挾痰搏結胸中，肺氣逆而呼吸不利。故
息搖肩者，爲心中堅。若無痰飲搏結，純是風寒傷
肺，氣逆於上，則息引胸中，爲上氣者，欬乃屬肺脹
也。若張口短氣者，是肺熱葉焦，氣弱不振，津液化
而爲涎，上溢於口，故吐涎沫，謂之肺痿矣。

師曰：息而微數，其病在中焦實也。當下之，則愈。虛者
不治。在上焦者，其吸促；在下焦者，其吸遠。當作此皆
難治。呼吸動搖振振者，不治。

此辨喘息分虛實，定可治與不可治也。息而微數，
卽氣息微而喘促也。因外邪而挾痰食燥屎鬱結。

上中二焦之氣滯而不能上通下達故息而微數病在中焦爲實故當下之則愈設無痰食燥屎阻滯而息微數卽營衛虛敗氣不歸源之虛喘故爲虛者不治而又以呼吸之遲促分治心肺脾肝腎虛之據然心肺居上爲近若心肺之氣虛而不能納氣歸源其吸必細短而促肝腎居下爲遠若肝腎下焦陰虛不能攝氣歸源其吸必長而遲故喘病屬實者可用下法爲易愈若上中下三焦元氣虛憊所致者瀉之則愈損補之則不及故皆難治見呼吸動搖振振者是陰陽營衛俱敗惟存一線

浮遊之氣、逼迫呼吸、頃刻垂絕、故不治也、

論曰、經謂不得臥而息有音者、是陽明內實壅滯之逆也、起居如故而息有音者、乃肺之皮毛受邪、而絡脉逆也、不得臥臥則喘者、是肺腎受邪、水氣之客也、皆明邪實致喘而未言虛、本論謂息搖肩者、心中堅、息引胸中上氣者、欬是辨上焦之實、息張口短氣之肺痿、是辨上焦之虛、息而微數是辨中焦之實、更以上焦之虛而吸之促、下焦之虛而吸之遲、呼吸動搖振振者、爲虛、救之證、金匱有虛

張仲景金匱要略卷一

論